

# SULINIUT PILLUGU NAGGATAARUTAASUMIK NALUNAARUT

## SULIFFEQARFIIT ATUARFINNUT

## ATUARFIIT SULIFFEQARFINNUT



AASIAAT • SISIMIUT • PAAMIUT • QAQORTOQ

Suliniut pillugu naggataarutaasumik nalunaarusiortuuvoq  
CSR Greenland-ip allattoqarfiani pisortaq Lotte Frank  
Kirkegaard

CSR Greenland sullillugu 'Naliliineq'-mik suliaqartuuvoq  
Qeqqata kommuniani Atuilluarnissamut siunnersorti  
Kristina Würtz Poulsen.

Nutserisoq; Tukummeq Qaavigaq.

Ilusilersuisoq; Ivinguaq Kristiansen, CSR Greenland.

© CSR Greenland

CSR Greenland  
Jens Kreutzmannip aqq. 3  
Postboks 73  
3900 Nuuk  
Grønland

Mail; [csr@csr.gl](mailto:csr@csr.gl)  
Tlf; +299 363716



## Imai

Siulequt	4
Qujanaq	5
Eqikkaaneq	6
Suliniuummut pisortap nalunaarutaa	7
Naliliineq	9
Suliniuummi sammisartakkat	21
Inerniliineq	22

Allattoq Michael Binzer, nakkutilliisuutitat siulittaasuut



Asasara atuartartoq,

Nuannaqaqalunga nalunaarusiaq manna Nakkutilliisuutitat sinnerlugit oqaaseqarfigilaassavara. Atuarfiit Inuusutissarsiortullu akunnerminni imminnut qaninnerulernissaat sulini- ummut tunuliaqutaavoq, taavalu aamma illoqarfiit assigiingitsut isumalluu- taat assigiingitsut atorlugit

suliniutit suut iluaqutaasinnaaneriniq misilittagaqaler- nissaq. Tamanna tunuliaqutaralugu misilutaasuut ingerlanneqartumi paasisat eqikkarnissaat nuanner- poq paasinarpormi suliniummi peqataasut amerla- nersaat soqutiginnilluinnarlutik peqataasimasut. Najukkani suliniutit arlallit aallarnerneqarsimapput, taamaalillutik Atuarfiit Inuusutissarsiortullu assigiin- gitsutigut imminnut ataqatigiilersinneqarsimallutik. Najukkami inuusutissarsiortunut toqqaannartumik attaveqartarnermikkut ilinniarnissamut suliffittaarnis- samullu periarfissat inuusuttut assigiingisitaarnerusu- mik paasisaqarfigisimavaat.

Tamanna ingerlaqqinnissamut isumallualersitsivoq, taamaaliornikkut misilutaasuut ingerlanneqartumi paasisat tunuliaqutaralugit suliniummut atatillugu sulisimasoq ingerlaqqinnissaminut periarfissaqaler- simalluni. Suliniut TAKOQQIKKUMAARPUGUT!, CSR Greenland-ip septembarimi aallartissavaa, atuar- fiit-inuusutissarsiortut-suleqatigiinnerat pillugu sakkus- saasivimmik ineriartortitsinermik imaqartoq, Nunatsin- ni kommunit atuarfiillu tamarmik iluaqutissaat. Suliniut TAKOQQIKKUMAARPUGUT!, Aningaasaateqarfimmit Bikubenfonden-imit aningaasalersorneqarpoq.

Neriuppunga suliniutit nutaat ilassilluassagisi, taakku- mi Atuarfiit Inuusutissarsiortullu imminnut ataqatigiiler- nerannik pilersitsisinnapput, inuusuttut namminneq inuunerminnut akisussaalernissaannik kajumilersissin- naallugit taavalu aamma inuusuttut sukumiisumik tungaveqarlutik ilinniakkamik toqqaanissaminut periarfissaqalissallutik.

Inuulluaqquusingaarlunga  
Michael Binzer

SA-AS-imut nakkutilliisuutitat: Carsten Th. Pedersen, Lotte Frank Kirkegaard, Brian Weuge Chemnitz, Laust Løgstrup (Skype-kkut), Jens Lyberth, Kristina Würtz Poulsen (Skype-kkut), Birthe Terkildsen & Michael Binzer



# Qujanaq

Aningaasanik tapiisut qujanarujussuaq, aningaasat atugassat amerlanersaannik suliniummut tapiisimannissinnut;



Allallu ilissi aamma qujanarujussuaq, tassami piffissamik, ilisimasassinnik, aningaasanillu atuinissigut kiisalu allanik iliuseqarnissigut suliniummut tapersersuisimagassi:

Aasianni, Sisimiuni, Paamiuni Qaqortumilu suliffeqarfippassuit pisortallu ingerlatsivippassui suleqatigisimasavut qutsavigaavut, taakku ataatsimoorlutik annertuumik suliaqarsimapput aammalu ilisimasatik piffissartillu tunniussimallugu.

Qeqqata Kommunia, qujanarujussuaq misiliutaasutut ingerlanneqartup nalilerneqarnerani sulisumik atukki-ussisimaneranut.

SA-AS-imut nakkutilliisuutitat: Siulittaasoq Michael Binzer (Visiobox), Jens K. Lyberth (Royal Greenland), Karno Lyngø (Atuarfik Samuel Kleinsmidt), Brian Weuge Chemnitz (KNB), Birthe Therkildsen (IMAK), Laust Løgstrup (Qeqqata Kommunia), pisariqarfiatigut naapittarsimapput suliallu ingerlanera tamaat ilisimasatik soqutiginnillutik tunniussimallugit.

Sulisitsisut, ininik, atortunik, atortorissaarutininik il.il. atugassiisimapput.

CSR Greenland-ip siulersuisui, suliniummut piginnit-tutut suliniutip ingerlanera tamaat malinnaasimapput naleqarluartunillu tunniussaqaqarsimallutik.

Kommuneqarfik Sermersuumi, Kommune Kujallermi, Qaasuitsup Kommuniani aammalu Qeqqata Kommuniani borgmesterit kiisalu INI A/S-imi, Arctic Group-imi, GrønlandsBANKEN-imi, Royal Greenland-imi Pisiffimmilu pisortat tapersersuillutik nalunaartarsimanagerinut qutsavigaavut.

Minnerunngitsumik immikkut qutsavigaavut Gammeqarfik (Aasiaat), Atuarfik Tuiisaaq (Paamiut), Minngortuunnguup Atuarfia aamma Tasersuup Atuarfia (Qaqortoq), qasusuillutik peqataasimammata aammalu suleqatigeeriaatsit nutaat atulernissaannut ilungersuuteqarsimammata kusanarluinnartunillu angusaqarsimallutik.



Minngortuunnguup Atuarfia



# Eqikkaaneq

Misiliutitut ingerlanneqartumi 'Suliffeqarfiit atuarfinit – atuarfiit suliffeqarfinit'-mi (SA-AS) Sisimiut, Aasiaat, Paamiut aamma Qaqortoq peqataasimapput, taakkunanilu angusat matumani nalilersorneqarput. Misiligititut ingerlanneqartoq august 2015-imiit juni 2017-imut suliarineqarsimavoq.

Suliniumi pingaarnertut anguniagaavoq meeqqat atuarfianni atuartut annerit naggataarutaasumik misilitsereeraangamik ilinniartut ingerlaqqinnissamut kaammattornissaat, tamannalu ingerlanniarnearpoq annertusisamik atuarfiit qanitamilu suliffeqarfiit suleqatigiillernerisigut, tamatumalu ilutigisaanik inuiaqatigiit avatangiiserisat atuartuunermut ilaanerat pissusissamisuuinnartutut isigineqalersinnissaannut periarfissinissaq.

Suliniutip qanoq suliarineqarsimanerata nalilersornissaa nalunaarummi matumani anguniarnearpoq. Taamaaliornikkut inuusuttut amerlanerusut meeqqat atuarfianni naggataarutaasumik soraarummeernerimik kingorna ilinnialersinniarlugit suliniut annertusarlugu imaluunniit najukkamut pissutsinut tulluarsarlugu suliniuteqarnermi misilittakkat ingerlateqqinneqarsinnaaniassammata. Aamma allannguutissanut, suliniutissanut isumassarsiatialannullu allanut periarfissaasinnaasut nalunaarummi ingerlateqqinneqarput, taakku siunissami sammisassanut suleqatigiinnissamullu isumassarsiorfittut atorineqarsinnaallutik.

Suliniumi SA-AS-imit misilittakkat inuusutissarsiuutit pillugit meeqqat atuarfianni piareersanermut atatillugu qanoq pilersinneqarsimaneramik qanorlu sulisoqarsimaneramik soqutiginaatilinnik takussutissiipput. Atuarfiit suliffeqarfimmi iliuutsinik assigiinngitsunik suleqatigiissuteqarpata, atuartut sukumiisumik tunngaveqarlutik ilinniakkamik toqqaanissaannut tamanna periarfissilluortoq naliliinermi tikkuarneqarpoq, ilutigisaanillu aamma atuartut ilinniarnermut sulinerimullu isummertarnerat pitsaasumik sunnerneqarluni.

## 8. klasse, Aasiaat



<sup>1</sup> Suliniut pillugu paasissutissat annertunerisut CSR Greenland-imi piniarneqarsinnaapput.

## Angusat

Atuarfiit suliffeqarfimmi suleqatigiinnerat suliniummik kivitseqataalluinnarpoq. Atuarfiit suliffeqarfimmi sinner-saasa oqaloqatigiittarnerat suliniutip ingerlanerani pitsanngorujussuarsimavoq, taamaalilluni inuusutissarsiuutitut piareersaanerup atuartut annerit atuartinneqarnerinut ilaatinnissaa pitsanngorsarneqangaat-siarsimalluni.

Atuarfiit suliffeqarfimmi suleqatigiinnerat atuartuunermiit sulilernissamut ataqatigiissitsisutut inississimavoq, taamaalillutik suliffeqarfimmi ulluinnarni inuuneq suliasallu suuneri pivusorsiorlumik atuartut takorloor-sinnaalersimavaat. Atuarfiup, atuartut, suliffeqarfimmi pitsaasumik oqaloqatigiittarnerat kisimi suliniummik qulakkeerneqarsimanngilaq, aammali atuartut ilinni-aligassaminnik toqqaaniarnerni atuartut angajooqaavi peqataatinneqarnerulersimallutik.

Inerniliunneqarsinnaavoq atuartut sukumiisumik tunngaveqarlutik ilinniakkamik toqqaanissaminnut periarfissaqarnerulersimasut, tassami inuusutissarsiuutit ilisimasaqarfiginerulersimavaat aammalu nammineq kissaatit siunissamullu sinnattutik ilisimaarinerulersimallugit. Ilutigisaanik pissutsinut paasinneriaaseq ataatsimoorussa qqaasertalersorneqarsimavoq, atuartut ilinniagaqarnermut isumaannik suliffeqarnerlu pillugu paasinnittaasiannik sunniisimasumik. Suliniulli atuartut akomanni toqqaannartumik ataatsimoorussamik paasinnittaaseqartitsilersimanersoq matumani ersersinneqanngilaq. Takusinnaavarpulli suliffeqarsagaanni suut piomasagaataanersut, aammalu suliffeqarfimmi sulisunut suut piomasagaataanersut, atuartut paasisaqarfigisimagaat.

Inuiaqatigiit atuartut avatangiisii atuartut atuarneranni ukioq kingullermi annertuumik annikitsumilluunniit atuarnermut ilaatinneqartarpoq taamaalilluni atuarneq inuiaqatigiillu imminut ataqatigiissinneqartarlutik. Sulinerimik pissutsit pivusut atuartut ilisimasaqarfilersarpaat, aammalu sulisuulluni inuuneq, sulinerimik atugassarititaasut, suliffeqarnerup ingerlasarnera suliffeqalernissamullu suut ilinniarnearsinnaanersut pissutsinik pivusunik tunngaveqarlutik naleqqersuussinnaalerpaat, tamannalu inuusuttut ilinnialernissaannut sulilernissaannullu alloriarnertut pingaarutilittut oqaatigineqarsinnaavoq.



Suliniut soqutiginaruussimavoq, inuusuttut ilinniakkamik toqqaanissaannut minnerungitsumillu siunissartik pillugu namminneq iliuuseqarnermikkut toqqaanissaannut, inuit immikkorluinnaq ittut iliuuseqaaq-taanissaminnik kissaateqartut tunniussaqaqataasimallutik. Inuit taakku immikkorluinnaq ittuupput sulissaqarfinit assigiinngitsuneersut, naak ataatsimoorussamik angusaqarniarnermi qeqqani naapeqatigiinnissaq anguniarlugu suligaanni unammilligassartaqaraluaqisoq. Nangaananga oqarsinnaavunga suliniut tamatta ilinniarfigisimagipput – taamaattumik neriuppunga nalunaarut manna kommunit, atuarfii inuusutissariortullu ilisimasanik assigiinnik tunngaveqarlutik siunissami isumassarsiorfigissagaat.

Oqaatigineqarsinnaavoq suliniut alloriarnernik pingasunik aqquasaagaqarsimasoq;

Piffissaq aallartiffik, peqataasunut tamanut nalunarnerpaasimasoq, taamaattumillu ataatsimut isigalugu unammilligassaqarnerpaasimalluni. Tamatumunnga pequtaasut ilagaat, suliniutip aallartinneqarnera atuarnep aallartinnerani pisoq tulluarpallaarsimanngimmat. Suliniut aallartillugu eqimattakkaarluni isumasioqatigiinnerit ukiup atuarfiusup aallartinnerani, atuarfii ukiumut pilersaarutaasa inissiternerqa-reersimanerini, pisimapput. Tamatuma nassatarisani suliniutip ukiumut atuarfiusumut pineqartumut inissiniarnera ilinniarfittisunut ajornakusoorsimavoq, soorluttaaq aamma najukkani suleqatigiikkuutaat ataatsimiittarnissaannik ilinniarfittisunik ingerlatsisartussanik nassaarnarneq atuarfii pisortaannut unammillernartuussimasoq. Aallartinnernermi ajornartorsu-utitut pequtaasut ilagisimavaat atuarfii (ilinniarfittisut siunnersortillu) inuusutissariortullu annertusisamik suleqatigiilernerat amerlanerpaanut nutaajummat, ingerlatsiviillu taakku marluk 'periusaat' assigiinngitsorujussuullutik. Piffissami pineqartumi suliniummur pisortatut piffissaq suliffiga oqaatigillu-aannarlugu siunnersioqatigiinnernut, akerteriinnernik aqqiiniarnernut tikeraarnernullu atorpara. Ajorlartumik suliaq aallartissimatsiaannartoq Tasersuup Atuarfia, atuarfup isumalluutitigut amigaateqarnera patsisaalluni, suliniummur ilaajunnaarpoq.

Piffissap suliamik ingerlatsiffiusup ilisarnaatigaa, aqqissuussaanikkut, isumalluutitigut pilersarusior-nikkullu ajornartorsuutit qulaani pineqartut aqqin-neqarsimaneri, suliniummur peqataasut inuusuttut sammisassaannik pimoorsuullutik aallartitsillutik. Nalunaartarnerit naliliinarlunilu tikeraartarnerit uppernarsarpat, suliniutip sumik siunertaqarnera

peqataasunit paasiartuaar-neqarsimasoq – suleqatigiinnermullu nutaamut peqataanissamut nukiiit uummaarinnerlu atuutilersimallutik. Taamaalilluta suliat pillugit 'allanik' naapitsinermi atuartut, ilinniarfittisut inuusutissariortullu misigisimasaat sammisimasaallu allaaseralugit aallartissinnaalerluta. Suliniut peqataasunit 'pigineqartut' misigineqalersoq suliniutillu ingerlallualerini takullugit nuannerluinnarsimavoq.



Piffissaq naggasiinermut atorneqartoq najukkani suliniutinik eqikkaanernut taavalu suliarisimasat inernerinik assinillu CSR Greenland-imut nassiussuiner-nut, atorneqarsimavoq. Qeqqata Kommunia aalajangersimavoq suliaq kommunimi atuarfinni ukiumi atuarfiusumi 2017/2018-imi, CSR Greenland avaaqul-lugu, ingerlateqqinniarlugu, alloriarnissallu tulluup piareersarnera piffissami tamatumani sakkortusar-neqassaaq. Piffissami suliniutip ingerlaffiani Qeqqata Kommunia nammineerluinnarluni ingerlasimavoq, taamaattumi siunissami suliniuteqarnissap piareer-sarneqarnerani akuusimanngilanga. Kommuneqarfik Sermersooq aalajangersimavoq ukiumut atuarfiusumut 2018/2019-imut atuarfinnut pilersaarummut ilanngunneqassasoq, tamatumalu piareersarnissaa-nut CSR Greenland atuarfeqarnermullu ingerlatsivik qanimut suleqatigiissapput.

Suliniutip siunissami ingerlalluarnissaa qulakkeerniar-lugu suliniutip allaaserinissaanut ukiunilu pingasuni ingerlanneqarnerata aningaasaliisussarsior-nissaanut piffissangaatsiaq atorsimavarput, suliniummur atuarfii qulit atuartullu 400-it missaaniittut, tassa atuartut uki-oqatigiit affaasa missaat, peqataassapput. Suliniummur aningaasaliisussanik suli nassaartoqarsimanngi-laq. Paarlattuanik BikubenFonden neqeroorsimavoq suliniutip aallartinnissaata 'tungaanut' SA-AS-ip ima-risassaata ineriartortinnissaa aammalu sammisassat atuarfinni ataasiakkaani sukumiisumik immersornis-saannut aningaasaliiumalluni. Suliniut taanna akueri-neqarpoq aallartinneqareerlunilu.

Suliniutip naanera eqikkarlugu inerniliunneqarsin-naavoq, suliniutip ukiuni marlunni ingerlasimanera angusaqarfiulluarsimasoq. Suliniutip ingerlasimane-rata sukumiisumik saqqummersinnissaa sammivinnillu assigiinngitsunit isigalugu suliniutip paasinarsarnissaa nalunaarummi matumani anguniarneqarpoq.

<sup>2</sup> Peqataasut misigisaannut takussutissat ilanngussaq 1-imi takukkit

# Aasianni Sisimiunilu suliffeqarfinnut pulaarnerit

Aasianni Polar oil-imit aammalu Sisimiuni KNI A/S-imit assit








Suleqatigiinnerup naleqassusaa atuarfiit suliffeqarfillu takusinnaavaat, tassami atuartut sulilerunik sulinermi piumasaqaatit suuneri paasisaqarfigisinnaamatigit, ilutigisaanik suliffeqarfiit atuartunik siunissami sulisoqarsinnaasut, oqaloqateqarsinnaalutik.

Atuarfiit ammaallugit najukkamilu inuiaqatigiit akuutinnerisigut atuartut siunissamut piareersarneqarsinnaapput, atuarfimmil ilikkagassat amerlanerulerlutik atuartullu avatangiisiminni avatangiisitillu pillugit suliaqarnermikkut misilittagaqalersinnaallutik. Inuussutissarsiortunik atuarfiup suleqateqarneratigit silarsuarmi avatangiisiminni susoqarnera pillugu atuartut paasisaqarnerusinnaapput, atuarfimmilu ilikkagaasa pissutsinut piviusunut attuumassuteqarnerat ersarinnerulissalluni.

Suliniuummut peqataasunit atuarfinit sisamaasunit, Sisimiuni Minngortuunnguup Atuarfia, Asianni Gammearfik Paamiunilu Atuarfik Tuiisaaq suliniut naammassillugu peqataassimapput. Qaartumi Tasersuup Atuarfianut tunngatillugu paasinarsimavoq assigiingitsunik peqquteqartumik suliniut salliutinneqarsimangitsoq, suleqatigiinnerlu kipitinneqarsimalluni.

Apersuinernit 20-nit illoqarfinnut suliniuteqarfiusunut sisamanut agguakkanit kiisalu atuaqatigiikkuutaani tamani suliniuummut peqataasimasuni immersugassanik akisassanik apeqqutitalinnit misilittakkat tunngavigalugit paasisat naliliilluni nalunaarummi tunngavigineqarput. Nalunaarummi tunngavigineqarput naliliinermi najoqqutarineqartut ataani allassimasut aallaavigineqartut:

- Atuarfiit suliffeqarfillu imminnut ataqatigiillersinnerqarneri
- Atuartut ilinniagaqarnermut isumaat suliffeqarnermullu paasinninnerat
- Sukumiisumik tunngaveqarluni ilinniakkamik toqqaaneq
- Suliniutip pigiliunnissaa ingerlateqqinnissaalu





## Atuarfiit suliffeqarfillu imminnut ataqatigiilersinneqarneri

Suliniut aallartinniarneqalermat atuarfiit suliffeqarfillu suleqatigiilersinnissaat pingaarluinnarsimavoq. Illoqarfinni suliniummut peqataasuni aallarnisaataasumik ataatsimiinnermi siullermi najukkami nakkutiliisuutitat toqqarneqarput, illoqarfinni tamani eqimat-takkaarluni isumasioqatigiissitsisoqarpoq, suliniummi suut pingaartinneqarnerisut eqqartorneqarlutik.

### Oqaloqatigiinneq

Paasissutissiisut suliffeqarfinneersut taamatut-taaq atuarfinneersut aalajangersumik oqaatigaat, nakkutilliisuutitani suleqatigiinneq peqataasunut kinguneqarluartumik angusaqarfusimasooq pissarsiffi-usimallunilu. Minngortuunnguup Atuarfiani atuarfiup pisortaata tullersortaata Uvdloriaq Kleist-ip suliniut 'illoqarfigisami ataqatigiinnermik nukittorsaasutut' pingaartuunera taavaa, tamatumunnga tunngavilersuutigalugu timitalilluni iliuuseqarnissaaq tunaartaralugu sulinissamik pilersaarusiorsimaneq.

Jens Christian Eldevig, Sisimiuni Blue Water Greenland-imi pisortaq oqaluttuarpoq, atuarfimmik ataatsimooqateqarneq inuiaqatigiinni unammilligassanik peqatigiilluni aaqqiinarnermik misigititsisoq oqarluni 'Akerariingilagut, suleqatigiittugulliuna'. Aasianni atuarfiup pisortaa Sara J. Brandt oqarpoq 'suliffeqarfinnik suleqateqarneq pitsaanerulerpoq annertunerulerlunilu'.

Sisimiuni Nukissiorfiit Ingerlatsinermut pisortaat Jan Zachariassen itisililluni oqarpoq; "Atuarfillu immitsinnut tikkuartuuteqattaaginnarunnaarluta oqaloqatigiilersimanerput aallarniutitsialaavoq" imalu nangil-luni; "suliniummit pissarsiarput annerpaaq tassaavoq atuarfimmik oqaloqateqartalernerput, tamatumalu kingunerisaanik suleqateqalernerput". Suliniut allo-rassaaqatigiinnermik pilersitsivoq, taavalu aamma inuusuttut ilinnialernissamut sulilernissamullu piareer-simannginnerat pillugu apeqqut naammassisassaq pillugu ataatsimoorussamik paasinnitaaseqalernissaaq aallarnisarneqarsimalluni.

Angajoqqaanik oqaloqateqarneq Sisimiuni pingaar-tillugu qitiutinneqarsimavoq, tassa inuusutissarsiortut angajoqqaanik ataatsimiititsinerni peqataasarsimapput kiisalu suliniut qulequtaralugu unnukut paasitsiniaasoqarsimalluni. Atuartut ilinniakkamik toqqaaniarneranni angajoqqaat peqataatinnissaat

pingaaruteqarluinnarpoq, tassami toqqaaniarnitsinni inooqataanikkut akuuffivut sunniuteqartorujussuum-mata.

### Suliffeqarnermi pissutsit paasiuminartut

Suliffeqarfiit atuartunut attaveqaleriartornerat illoqar-fimmi nikingassutitut millisaataasimavoq, taavalu atuartut sulisullu aqqusinermi naapikkaangamik imminnut ilassisalersimallutik. Jens Christian Eldevig-ip pingaartutut taavaa 'pissutsit paasiuminartut' silarsuit taakku marluk imminnut ataqatigiinneruler-nerannik pilersitseqataasut, 'atuartunik oqaloqate-qartarnitsigut taakku misigilerput uagut sumiluunniit sulisuusugut ilisarismanerulerluta, pissutsinik paasiu-minarnerulersitsinerput isumaqarpunga suliffeqarner-mut atasutut taakku misiginerulersut. Suut tamarmik iluaqutaapput, uagut atuarfinniissimavugut taak-kulu maaniissimallutik.' Aasianni Air Greenland-ip sullissiviani pisortaq Gustav Petersen oqaluttuarpoq 'qungujulalluni aqqusinermi ilassisoqartalersimasooq – qaammatit siulliit pingasut ingerlanerini atuartut ilassisalerpaannga imalu suaarlutik CSR'.

Aamma suliffeqarfiit imminnut ataqatigiinnerat suliniutip ingerlanerani nukittorsarneqarsimavoq. Pasissutissiisut arlallit nuannaarutigalugu oqaatigaat, inuusuttut atugaannik allanngueqataaniarlutik inuusuttullu siunissami periarfissaannik pitsanngor-saaqatigiinniarlutik sulinertik nuannaarutigalugu.

## Atuartut ilinniagaqarnermut isumaat suliffeqarnermullu paasinninnerat

Suliniuummi anguniarneqarpoq atuartut ilinnialer-nissamut kajumilersinnissaat, taamaalillunilu aamma pissutsinut paasinneriaatsimik allannguinnissaaq, taamaalillutik 10. klasse naammassigaangamikku ilinnialernissartik toqqarnerusalerniassammassuk. Misissuisarnerit tunngavigalugit ilisimalikkat aallaavi-gissagaanni, allanngueq tamanna pisinnaavoq pissutsinik paasinninnerulersitsinikkut oqaasertaliisar-nikkullu, taamaaliornikkut pissutsinut paasinneriaatsi-mik nutaamik pilersitsinikkut, erseqqissarneqarluni ilin-niagaqarneq tassaasoq aqautissani pitsaanerppaaq.

### Pissutsinik paasinninnerulerneq kajumilersitsisarpoq

'Siullermik atuarfimmik angusarissaarnissaaq pisariaqar-poq' apeqqummut 'Siunissamut qanoq pilersaaruteqar-pit, tamannalu qanoq angussaviuk?' atuartoq akissuteqarluni allappoq.

Atuartunut siunnersorti atuartunullu annemut ilinniartitsisoq Sisimiuneersoq Tola Ludvigsen ima oqaluttuarpoq 'Atuartuutivut marluk tamarmik inaallagialerisunngorusupput, suliffinnik nittarsaasinermi atorfimmi qaffakkiartortarneq pillugu immersugassaq immersorsimallugu, paasillugulu atuarfimmi angusat pitsanngorsanngikkunikkit anguniagartik angusinnaanagu. Piumasaqaatit taama imaannaanngitsigineri nukappiaqqap aappaata paasisimavai, atuarfimmilu angusani pitsanngorsarniarlugit angerlarsimaffimmini ilinniakkerisalersimalluni'.

Matumani takutinneqarpoq suliniut ilinniakkerinisamut atuartunik ataasiakkaanik kajumilersitsisimasoq.

Sakkussat figussaasut, Sisimiuni suliffinnik nittarsaasinermi atuartut atorsimasaat, soorlu suliffimmi qaffakkiartortarnermut takussutissaq suliffiullu sulluunniit pitsaaqutai ajoqutaalu pillugit immersugassaq atorlugit, atuartut siunissami anguniakkamik angunissaanut piumasaqaatit ilisimaarinerulersimavaat, tassami siunissami anguniakkamik sulluunniit anguniarnerani piumasaqaatit suunersut eqqarsaatigeqqissaarsinnaalersimagamikkit. Arctic Star-imi pisortaq Henrik Sachse oqaluttuarpoq; 'Pisortaaneq namminersortuunerlu sunik pitsaaquteqarnersoq aperineqarpunga, aammali sunik ajoquteqarneranik aperineqarlunga, tamakku aamma eqqarsaatissipaanga'. Suliffinnik nittarsaasinermi sammisassat aalajangersimasut aammalu suliffinnik nittarsaasinermut piareersaatit suliffeqarfinnullu pulaarnerit eqqarsaatiginnilersipput, tamannalu atuartut 10. klasse naammasigunikku arlaannik toqqaanissaanut piginnaaneqarnerulersitsivoq.

Aasianni atuartut suliffeqarfinnut pulaareernitik tamaasa naliliisarput pulaarnerminnilu namminneq assilisatik atortarlugit, taamaalillutik eqqarsaatigineqqittarput, suliffeqarfimmi suliffinnik namminneq inuunerminnut ilaatilersinnaallugit. Atuaqatigiinnut ilinniartitsisoq Aasianneersoq Victoria Rafaelsen ima oqaluttuarpoq; 'atuartut suliffeqarfinnut pulaarnisartik qilanaariuaannarpaat, pulaareeraangamillu allattuillutik naliliisarlutik'.

#### Akisussaassuseqarnerulerneq

Suliffeqarfiit atuarfinnut pulaaraangamik ilaatigut akisussaassuseq, ilinniarneq aalajaallunilu suliarortarneq oqaluttuarisarpaat taamaaliornikkut pissutsinut paasinneriaaseq oqaasinngortinneqartarluni. Suliffeqarfiit sinnersertaat maligassiuusutut isigineqartarput atuaqatigiillu ilinniartitsisuat Karl Berthelsen oqarpoq 'avataaniit takkullutik oqaluttuariartortarnerat sunnuteqarnerpaavoq', taavalu atuaqatigiit ilinniartitsisuat Aasianneersoq Mona-Lisa Rafaelsen ima oqarluni; 'Aap, pitsaaqaaq suliffeqarfinnerisut oqarmata,



ASSEQ: POLAROIL, AASIAAT

piffissaq eqqorlugu takkuttassasut, atuartut akisussaasutut misiginerat annerulerpoq'.

Aasianni inuussutissarsiortuni misiliillutik sulinermut atatillugu, atuartut arlallit piffissaq eqqorlugu takkuttanngillat, taamaattumik atuarfik suliffeqarfimmi tamanna aqqinniarlugu oqaloqatigiittarsimapput. Tamatuma kingorna piffissaq sioqqullugu iseqqusilluni sianertarnissaq eqqunneqarpoq, taamaalilluni atuarfittinerup aallartinnissaa minutsinik marlunnik sioqqullugu sianeq sianertalerluni. Sara J. Brandt oqaluttuarpoq; 'suliffeqarfiit nalunaartarput suliffeqarfimmi misiliillutik sulisitivut inortuisartut. Taamaattumik iseqqusilluni sianeq sioqqutsilluni sianertittalerparput, atuaqatigiit tamarmik ataatsikkut aallartittalerniasammata, tamanna perorsaaneq pillugu siunnersu-isoqatigiinni oqaluuserereerlugu eqqussimavarput'.

'Piffissaq eqqorlugu takkuttarneq' suliffeqarfiit atuartunut oqariartuutisarpaat, apeqqummullu 'Suliffeqarfimmi atorfinitsinneqassagaanni, suna pingaarnerpaatut isigaajuk?' 80%-it piffissaq eqqorlugu takkuttarnissaq pingaarnerpaasoq akipput, naak assigiinngisitaartunik oqaasertaleraluarlugu; 'inortuisannginneq, piffissaq eqqorlugu takkuttarneq, sinilluarterneq imaluunniit ullaakkkut makittarneq'. Tamatuma takutippaa, oqariartuut atuartut paasiluarsimagaat, suliffik paarissagukku aalajaatumik takuttarnissat pingaartuuvoq.

Suliffeqarfinnut pulaarnerni atuaqatigiit ilinniartitsisua suliffeqarfimmi misigisimavaat atuartut eqeersimaarnerulersimasut pimoorussinerulersimallutillu. 'Suliffeqarfiit oqaluttuarput ukiup matuma kingorna



ASSEQ: POLAROIL, AASIAAT

atuartut inerisimarpalunnerulersimasut, allaaserisaqartussaagamik aperisartussaallutillu sukataarnerulersimapput. Teqeqqumi katersuutiinnarta-runnaarput – tamanna pitsaavoq, amerlanerillu apersortalerput misissuisalerlutillu' Tola Ludvigsen oqaluttuarpoq.

#### Sunngiffimmi sulisarneq

Paamiuni Atuarfik Tuiisaaq Brugsenimit pulaarneqarpoq, tamatuma kingunerisaanik atuartut arlallit atuareernerup kingorna Brugsenimi sulisalersimapput. Atuaqatigiit pulaarneqanngikkallarmata, sunngiffimmi suliffeqarnissamut periarfissat atuartut ilisimasimangilaat. Aasianni Sømandshjemmemi /Umiartortut angerlarsimaffianni pulaareernerup kingorna, atuartut amerlanerit sunngiffimmini suliffissarsiortut aappariit pisortaasut misigisimavaat. Atuartut sunngiffimmini suliffeqartalernerat suliniummi anguni-

akkanut ilaavoq, taamaalillutik atuartut suliffeqarnerup suunera paasisaqarfigisarpaat suliffeqarfimmilu sulisuunermik misilittagaqalersarlutik.

#### Inooqataanikkut sunniivigeqatigiinneq

Ukiuni tulleriinni marlunni Aasianni Gammeqarfik inuussutissarsiortullu juullikkunni arsamik ajugaanniunermik aaqqissuussisarsimapput, atuarfimmi annernit inuussutissarsiortunillu peqataaffigineqartunik.

'Ilaatigut juullikkunni arsamik ajugaanniunneq pissutaalluni atuartut suliffeqarfinnut ammanerulersimapput (...) atuaqatigiiaat suliffeqarfillu suleqatigiilluarpuqut, suliniut tamatumunnga pequtaavoq', Aasianni atuartunut siunnersorti Rink Reimer, oqarpoq.

Inooqataanikkut sunniivigeqatigiinneq persuarsioranilu katerisimaneq ilimagisamit pitsaanerulluinnartumik sunniuteqarpoq. Takuneqarsinnaavoq inooqataanikkut attaveqarnerup nukittorsarneqarneratigut illoqarfimmi aserorterinissaagaluaq pitsaallioneqarpoq;

'Atuartullu ataatsimoorntita kinguneraa, aserorterisarnerit ikilisimaneq, niuertarfinnilu tillinniartarnerit ikilisimaneq – aserorterisarnerup kingunerisartagai atuartut paasisaarfisimavaat' Gustav Petersen oqarpoq.

Aasiaat Oliemi pisortaq Rina Reimer Madsen neriuppoq inuttut attaveqarneq pitsaaliuinnermut iluaqutaassasoq, imalu oqarluni, 'neriuppugut atuartut akisussaaqataasutut inississasut meeraqatiminnut oqartalerlutik 'uumaak, maani sulisoq nalunngilara' taamaattumillu aserorterinialu atuartut aserorterinngitsoortitalerlugit.

Aasianni suliffeqarfiit pillugit atuartut ilisimasaqarnerulersimapput, taamaallitut suliffiit suuneri atuartut paasinerisumavaat, tamatumalu sunniutaa illoqarfimmut tamarmut iluaqutaavoq.

Soorlu qupperneq 19-imi takuneqarsinnaasoq, atuartut suliffeqarfillu toqqaannartumik attaveqatigiinnissaat anguniarlugu Aasiaat amerlanerpaanik iliuuseqarsivoq. Imaappasippoq attaveqatigiittarnerup annertunerulernerata kingunerisaanik atuartut suliniummut peqataasut 'ilisarimasatik' ataqqinerulersimagaat, pisussaaffigivinnikkaluarlugulu nakkutilleeqataasutut inississimallutik.

Inuussutissarsiornermut nittartagaq atuartullu suliffimmi misiliisarnerat pillugu quppernagaq Sisimiuni nakkutillisuutit atuartut inuussutissarsiornermut nittartakkamik suliaqarsimapput, tassunga katerorneqarsimallutik suliffeqarfiit pillugit paasissutissat. Nittartakkap pitsaaqutaannut ilaavoq, atuartut qarasaasiakkut suliffissarsiornissamut sungiusarsinnaanerat, taama oqarpoq Henrik Sachse; 'Nittartagaliornikkut eqqarsaataavoq atuartut, qarasaasiakkuunerusoq, suliffissarsiornissamut sungiusarnissaat'.





ASSEQ: POLAROIL, AASIAAT

Aasianni inuussutissarsiortuni atuartut suliffimmi milli-sarnerat pillugu quppersagaliortutik aallartissimapput, tassani atuartut takusinnaavaat suliffik sungiusarfik, pujortartarnermut tunngasut, imigassamut tunngasut assigisaallu pillugit paasissutissat, quppersagaliornermilli suliaq maannakut unittooqqavoq, sulisussaaleqineq patsisaalluni.

Suliffeqarfinnut pulaartarnerit, suliffeqarfiit atuarfinnut pulaartarneri, sunngiffimmi suliffeqartarneq, arsamik ajugaanniunneq aammalu inuussutissarsiornermut nittartagaq/atuartut suliffinni misiliisarnerat pillugu quppersagaq taakkuupput suliffeqarfiit suliffeqarnerullu suuneranik atuartut paasisaqarnerulernerinut iluaqutaasut, tassami suliffinni sulisut aalajaatsut pikkorissullu aalajangiisooqataaalluinnarmata. Pisutsinut paasinnittaatsimik allannguisinnaanermut neriulersitsipput, malunnarporlu suliffeqassagaanni suut pi masaqaataasut atuartut paasisaqarfiginerusimagaat.

## Sukumiisumik tunngaveqarluni ilinniakkamik toqqaaneq


Atuartut 10. klasse naammassigaangamikku sukumiisumik tunngaveqarlutik ilinniarnissaminnik toqqaasinnaalernerannut pequtaasut arlaqarput.

**Suliffeqarfinnik nittarsaassineq suliffeqarfinnullu pulaarnerit**

Sisimiuni suliffeqarfinnik nittarsaassineq taamatuttaar-

lu aamma illoqarfinni pingasuni tamani suliffeqarfinnut pulaartarnerit, atuartut suliffimmik ilinniarnermut atatillugu sungiusarfissaminnik toqqaasinnaalernerinut iluaqutaasimapput, tassami taakkunani suliffiit suliassallu assigiinngitsut suuneri pillugit atuartut oqaluttuunneqartarsimapput. 'Sunngorusunnerlutik aammali sunngorusunnginnerlutik paasinissaat pingaartuuvoq', Henrik Sachse oqarpoq. Suliffeqarfinnik nittarsaassinermut suliffeqarfinnullu pulaarnissaminnut atuartut pilersaarusiortarput, taamaallutik suliassaqarfiit suliffiillu suuneri paasereersimasarlugit, tamanna periarfissarpassuit naapitassamik qanoq ingerlaarfignisaannut iluaqutigisarlugu.

Suliffeqarfinnut pulaarnermikkut sulilernissamut periarfissat ilimagisaminniit amerlaneruneri atuartut takusinnaalersimavaat. Atuaqatigiit ilinniartitsisuat Karl Berthelsen ima oqarpoq; 'atuartut suliffeqarfinnut pulaarnitik nutaanik ilisimasaqaatigilertarpaat. Royal Greenland-imut pulaannginnitsinni atuartoq ataasiinnarluunniit tassani sulilluni misileerusussimanngilaq, tassami isumaqarsimagamik aalisagaannaat tassani suliarineqartartut, pulaareernerulli kingorna atuartut tallimat soqutiginnilersimapput, tassami takugamikku aamma saffiuut, allaffimmiut allanillu suli-allit tassani sulisuusut'. Uvdloriaq Kleist ilassuteqarluni oqarpoq 'suliffeqarfinni pulaarneri atuartorpassuit sorspassuarnik paasisaqarput' assersuutitullu taallugu Hotel Sisimiuni pulaarneq atuartut tupaallaatigisima-



gaat, tassanimi tusarpaat suliffeqarfik assigiinngitsorpassuarnik suliassaqaqrusoq.

Aasianni Polar Oil-imeersoq Søren Olsvig suliffeqarfimmut pulaareernerup kingorna naliliilluni ima allappoq 'nukappiaqat nivarsiaqqallu oqaqattaarput suliffitsinni sulinermik misiliiumallutik, tusagaq nuannerpoq'. Suliffeqarfinni pulaarnikkut suliffissatut periarfissat atuartut ilisimasaqarfignertarpaat taavalu suliffimmi misiliinissartik kissaatigilertarlugu.

Suliffinnut pulaarnerpassuit aamma ilinniartitsisut ilinniutiginnaagaat Aasianni atuarfup pisortaata Sara J. Brandt-ip pingaartutut taavaa 'ilinniartitsisuusugut atuakkat ilinniutit ilikkagassatullu anguniakkat atortarpavut, kisiannili pissutsit piviusut taakkunannga allaanerusinnaapput, taama misigisarpugut suliffeqarfinniikkaangatta. Tamanna atuartunut iluaqutaavoq aammali ilinniartitsisunut iluaqutaalluni, suliffeqarfinni assigiinngitsuni susoqarneranik ilisimasarpassuaqalersarput paasisarpassuaqarlutillu, ilinniartitsisut atuartutuulli ilisimasaqarnerulertarput, taavalu ilinniartitsisup 10. klasseset pulaarneranni peqataasimasup ilisimalikkani 4. klassemi atuartitsileraangami atorluarsinnaavai'.

#### Atuartut suliffeqarfimmi misiliisarnerat

Sisimiuni Minngortuunnguup Atuarfia suliniummut SA-AS-imut peqataanngikkallarmat atuartut suliffimmik misiliiffissaminik toqqaasarnerat taamungaannaq pisarsimagaluarpoq, taavalu atuartut suliffeqarfimmut misiliiffissaminukartinnatik suliffeqarfimmi misiliiffissaminni suut suliarineqartarnersut misissoreertarsimaganagit. 'Maanna ukiuni kingullerni marlunni piffissaq misiliiffissartik anguniagaqarfigninerujussuanngorpaat, ilinniagassatullu kissaatertik malillugu misiliiffissaminik toqqaasalerlutik', Tola Ludvigsen oqaluttuarpoq. Aamma taama pisoqartarneranik Karl Berthelsen misigisaqarpoq, 'Siornatigumut naleqqiullugu piareersartoqarnerusalurpoq, siornatigut atuartoq kisimi suliffimmukartarpoq atsiukkamik pissarsiniarluni, imaluunniit anaanaasoq suliffimmut sianertarpoq isumaqatigiissuteqarlunilu'.

Minngortuunnguup Atuarfiani suliffimmi misiliisarneq inuussutissarsiortut suleqatigalugit ineriartorteqqillugu aallartinneqarsimavoq, taamaalilluni suliffimmi misiliiffissarsiorneq suliffissarsiornermut eqqaanartunngortinneqarluni. Isumaqatigiissut suliassat allattorsimaffianik imaqarpoq, taamaaliornikkut suliffeqarfimmi suliassat assigiinngitsut atuartumit misilerarneqarnissaat qulakkeerneqartarpoq; 'atuartut ulloq taamaat apummik nivannissaat pinaveersaarnerarlugu suliassat allattorsimaffiat immersorneqartarpoq', Tola Ludvigsen oqaluttuarpoq. Taanna suliffimmi misiliinissamut isumaqatigiissutip ineriartorteqqinneranerani ingerlatseqataasimasunut ilaavoq atortusallu tunngavigisassat assigiinngitsut soorlu suliassat allattorsimaffiat, nalunaaquttap akunneri suliffiit allattorsimaffiat misiliinissamullu allagaq suliarisimallugit, imalu ilassuteqarluni; 'siornatigumut naleqqiullugu suliffiit attavigisarlugit piareersartoqarnerusalurpoq, pingaartumik suliarisimasat allattorsimaffianik, CV-mik suliqaarneq.'

Suliffeqarfik Arctic Cat suliffimmi misiliiumalluni qinnuteqaatinik sisamanik tigusaqarsimavoq, tamannalu Henrik Sachse-p ima allaaseraa; 'suliffitta suunera taakku paasiniarluarsimavaat, suliffiutitsinni sulineq qanoq innersoq, itigartitsillungali sianertiaqarsimavunga, kisianni tassa tamanna aamma suliamut ilaavoq,' suliffimmi misiliinerup imaa pillugu taanna nangilluni oqaluttuarpoq; 'suliffimmi misiliineq aqqqissuullugaassaaq suliassat suuneri allattorneqassallutik, atuartut assigiinngitsunik misileraaniasammata, sanernerinnaq suliarinnginniassammassuk. Peqataatinniarsarissavavut taamaalillutik inuusuttut alapernaalersinniarlugit'.

Atuartut suliffimmi misiliigaangamik, sulissagaanni suut piumasaqaataaneri misilittagaqarfignisarpaat. Atuartut suliniummi peqataasimasut tamarmik 73%-iisa, suliffimmi misiliineq nuannersutut misigisimavaat, tassami ilaatigut ima allakkamik; 'soqutiginarpoq, pissarsiaqarfigeqaara, nuannerpoq, nuannarisorujussuara aamma ajunngeqaaaq'. Atuartut iluarisimarrinngitsut ima tunngavilersuippit; 'niuertarfimmi suligama pikkunaatsoorpunga', Pisiffimmi sulillunga

misiliigama qasusorujussuusarpunga' 'suliffimmi misilii-  
neq qasunaqaaq' aamma 'uannoortuunngilaq.'

'Atuartunik siunnersuisartutut suliniummi peqataaneq  
pitsaalluinnarsimavoq, nammineq ilinniartuuvunga  
suliniummilu pineqartut ilaat allaaserisanni atorsin-  
naavakka. Ilinniagaqareernermi suliffissamik toqqa-  
nissaat pillugu maanna angajoqqaat atuartullu  
tamaasa katersuutsissavakka, tassami maannakkut  
sussanerlutik nalunnginnerujussuuaat', atuartunut  
siunnersorti Sisimiuneersoq Tola Ludvigsen oqarpoq.

Aasianni Gammeqarfimmi atuartut suliffimmi misi-  
liiniartut suliffimmut misiliffissaminnut saaffiginnittar-  
put misiliinissamut isumaqatigiissut atsiorartorlugu.  
Aasianni atuartut suliarisimasat allattorsimaffiat, CV,  
suli toqqaannartumik angusassatut suliarisannigilaat,  
ilinniartitsisulli isumaqarput suliffimmi misiliinissamut  
atatillugu CV atuarnermi Inuttut Ineriartornermi  
ilaatinneqarsinnaasoq.

Paamiuni Atuarfik Tuiisami suliarisimasat allattorsimaf-  
fiat, CV, toqqaannartumik anguniarlugu suliarisar-  
paat, taavalu CV atorlugu atuartut suliffimmut misi-  
liiffissamut saaffiginnittarlutik, tamannalu pitsaavoq  
ilinniutaalluarlunilu.

## Suliniutip pigiliunnissaa ingerlateqqinnissaalu

Isumaqatigiilluinnarluni oqaatigineqarpoq, sulini-  
utip imai atuartut siunissamut piareersaatigilluaraat,  
aammali unammilligassaqarpoq, kissaatigineqar-  
tutut suliniutip pigiliunnissaanut unammilligassat  
akornutaasinnaammata.

### Suliassanut aqutsisumik pisariaqartitsineq

Sofia Geisler KNI-meersoq Sisimiuni suliniummut ukiuni  
marlunni aqutsisuusimaavoq, 2017-imili februaarimi  
illoqarfik qimallugu allamut nuussimalluni. Tamatuma  
kingunerisaanik suliniummik ingerlatseqatigiit aqut-  
sisumik amigaateqalerput, aqutsisormi ataatsimii-  
giaqqusisarpaq imaqaarnilortarlunilu. Aqutsisumik pi-  
sariaqartitsineq Jens Christian Eldevig-ip ima nassui-  
arparaa, 'Qujanartumik inuit takkuttarput akisussaas-  
susermillu takutitsillutik, ingerlaannarnissaali arlaannit  
isumagineqartariaqarpoq, taamaangippat unit-  
toortoqariaannaammata. Salliutinneqartariaqarpoq.  
Arlaannit siulersuisoqartariaqarpoq.' Jan Zacharias-  
sen-ittaaq ima oqarpoq: "ulluinnarni ulapaartoqar-  
tuaannarpoq, taamaattumik siulersorteqanngik-  
kaanni ukkatariinnarnissaa piumassuseqaannarnis-  
sarlugu ajornakusoorsinnaasarput. Eqeersimaartuaan-  
nassagaanni suliassanut aqutsisoqarnissaa pingaar-  
poq.

Paamiuni unamminarnerpaasimasooq tassaavoq  
piffissamik ataatsimiittussat tamarmik ataatsikkut  
naapiffigisinnaasaannik nassaarniarneq, atuaqatigiit  
ilinniartitsisuat Bertha Jensen ima oqaluttuarpoq;  
'naapinniarneq ajornakusoorpoq, taanna unammi-

## Angisuunngoruma...

narnerpaavoq'. Paamiuni atuartunik siunnersuisartooq  
Najârak` Petersen suliniummut aqutsisoqarnissamik  
pisariaqartitsineq ima oqaatigaa; 'isumaqarpunga  
ajornaannerusumik ingerlasoqassappat aalajan-  
gersimasumik suliniummut aqutsisoqartariaqartoq,  
isumaqarpungalu tamanna amigaatigisimallutigu'.

Jan Zakariassen ima oqarpoq 'unittoornaveersaar-  
nissaa pingaarpoq, unittoornaveersaartitsisussamik  
ikiorteqarnissarput pisariaqarpoq, tassami tamatta  
ulapaartuaannaratta', itisilerlugulu oqarluni ullut  
ataatsimiiffissat sammisassallu ullulerneqarsimanngik-  
kaangata, suliassat allarpasuit suliniummik salliuteq-  
qajaanartartut.


Atuarfimmi atuartut angajullit piffissamik atuillutik  
iliuseqaqataarusuttunik suliffeqarfiit soqutiginnillu-  
artunik suliniummut peqataatitaqarput. Jan Zacha-  
riassen oqarpoq; "suliniut ingerlalluassappat, inuit  
suliniummik soqutiginnilluurtut nassaarisariaqarput".  
Suliniutip annersaa inunnit piumassusertik malillugu  
tunniusimalluarlutillu sulisunit ingerlanneqarpoq,  
taakku inuiaqatigiit ineriartortinneqarnerannut aki-  
sussaaffimmik tiguseqataanissaminnik kissaateqar-  
put. Suliniummik peqataassagaanni pisariaqartitat  
ilaat pillugit atuartunut siunnersorti Tola Ludvigsen  
ima oqarpoq; 'suliniummik soqutiginnilluinnartari-  
aqarpoq, ajornanngippallu atuartunut siunnersortit  
ilinniarsimasariaqarluni.'

### Suliniut ukiumut pilersaarutinut ilanngunneqarpoq

Rina Reimer Madsen, Aasianni nakkutilliisuutitanut  
ilaasutut misigisimavoq, atuarfiup iluani aaqqissuus-  
saaneq, suliniummik aallartisaaniarnermi ajornartorsi-  
utit ilagisimagaat.  
Suliniutip pigiliunnissaanut ilinniartitsisunut akornuta-  
nerpaaq tassaavoq, suliniut suliassat qaavisigut  
suliakkiissutitut misiginarmat, tassa sammisassanut  
pilersaarummut ilaatinneqarnani, 'Ilumut, naak  
ilinniartitsisunut soqutiginarsimagaluartoq, aamma  
eqqartorneqartarpoq suliffimminni taama sulias-  
saqareertigalutik aamma qaavatigut suliakkerne-  
qaqqippat, akissarsuutiginningsaminnik' Uvdloriaq  
Kleist oqarpoq. Karl Berthelsen ilassuteqarluni ima  
oqarpoq; 'Suliniummik peqataatinneqartut tatillugit  
akuersitinneqarput. Ingerlaqqissappat atuartitsiffin-  
nut nalunaaquttap akunnerinut ilanngunneqartari-  
aqarpoq'.

Suliniutip atuarfiup sulineranut ilanngunniarnera





unammilligassartaqarpoq, ilanngunneqassappallu naatsorsuutigisat ukiup aallartinnerani imminnut naleqqussartariaqarput, taamaaliornikkut suliniut sammisassanut/ukiumut pilersaarutitut ilanngunniarlugu aammalu ataatsimoorussamik pilersaarusiornermut pissusissamisuuinnartutut isigalugu ilaatilerniarlugu. Suliap ingerlanerani pingaartuuvoq, atuarfiit pisortaat aaqqissuusaanikkut aningaasatigullu atugasarititaasunik pilersitsinissaat, taamaalillutik ilinniartitsisut suliniummot peqataasinnaangortillugit. Aamma pisariaqarpoq, sapaatip akunneranut pilersaarutit ukiumullu sammisassanut pilersaarutit pisariaqarfiafigut qaqugukku allangortilaartarsinnaaneri pillugit atuarfiup pisortaasa, siunnersortit ilinniartitsisullu isummernissaat.

Ilinniartitsisut suliassamik qaavisigut suliassatut suut isiginaat ilinniartitsisut aperineqaramik, erseqqippoq pingaartumik suliniummi suleqatigiit ataatsimiittarneri taama misigititsisut. Atuartut suliffimmi misiliisarneri suliffinnullu pulaartarnerit nalinginnaasumik suliassanut ilaatinneqarput, taavalu suliffeqarfiit atuaqatigiinnut pulaartarneri suliffinnillu nittarsaassisarnerit nalinginnaasumik atuartitsineri ingerlasarlutik, immikkullu piareersarnissamik pisariaqartitsinatik.

**Ukioq kaajallallugu ingerlatsineq aammalu paasissutissatut atugassat**

Henrik Sachsep tikkuarpaa suliniut ingerlateqqissa-gaanni 'aaqqissuulluakkamik ingerlaneq aaqqissuusaanerlu' pisariaqartuusut, tamannalu itisilerlugu oqarluni, sammisassat aalajangersimasut allattorneqartariaqartut, taamaaliornikkut suliniummot akuusut tamarmik suliap sunik imaqarnera ilisimaniassammassuk, aammalu atuartut suliffimmi misiliineri, suliffinnut pulaartarnerit, suliffinnik nittarsaassineq atuaqatigiinnullu pulaarnerit isummerfigisinnaaniassammattigit. Tassalu atuartut suliffimmi misiliisarnerisa aaqqissuunneqarnerpiaata pitsangorsarneqarnissaa Rina Reimer Madsen-ip Aasianneersup kissaatigaa; 'Ullumikkut ima nutaaliaatigilersimasariaaqarpugut, atuartut suliffimmi misiliisarnerat aaqqissuulluarsinnaallugu, qanoq imaqarnissaa aalajangerneqareerluni, ullormi siullermi, ullup aappaani, ullut pingajuanni, pisussat suliffeqarfiit pilersaarusiorsimallugit, taamaaliortari-aqarpugut taakkulu sammisariaqarlugit'.

Tamatuma ilutigisaanik piffissamik atuineq inissit-tariaqarpoq, soorlu ukiumi atuarfiusumi, atuartunik sammisaqartitsinerit nalinginnaasut saniatigut, a-taatsimiittarnerit tallimat-arfinillit. Jens Christian El-

devig-ip erseqqissarpaa suliniummi anguniagassanik aalajangersimasunik piviusorsortunillu toqqaanissaq pingaartuusooq; 'isumassarsiaavut amerlasimaqaat, isumassarsiat 20-30-t, ilaannanguili piviusunngor-tissimavavut, ikitsunnguanik anguniagaqarnissaq pitsaasuvoq, naammassisinnaallugit piviusorsortu-nerilu ilisimasavut.'

Aamma Jan Zachariassen-ip siunnersuutigaa sulini-ut pillugu paasisitsiniutinik, suliniut pillugu naatumik eqqartuiffiusumik nassuiaassisumillu, suliaqartoqas-sasoq, kiisalu suliffeqarfii peqataanissaannut kaju-missaarlugit, soorlu sarsuasulianik naatsunik ilallugit. Taassuma saniatigut aamma siunnersuutigineqar-poq atuartut suliffimmi misiliisarnerisa suna siunertari-neraat, aammalu suliffimmi misiliisarnerup naatumik allaaserinissaa siunnersuutigineqarluni; 'paasisutissat atuartup sulisarnissaanik paasisutissiisut, asuli taa-kunnartitaapajuinnartutut misiginnginniassammata, aallartinginnerini sulerialernersut pillugit paasifin-neqartariaqarput, taavalu immaqa malitseqartillugu suliffeqarfinnit atuartooq naliliiffigitillugu.' Paasisitsini-utit atuartullu suliffimmi misiliisarnerat pillugu ilisima-titsissutit suliffeqarfii minnerit peqataasinnaanerat ajornaannerulersissavaat, taakkumi pissarsiareriaan-naassapput paasinarsagaassallutik.


### Aaqqissuussaaneq & kajumilersitsineq

Paasisanik katersinermi pissutsit nassuiartariallit nassaarineqarput. Suliniummik aaqqissuuseriaatsit assigiinngissutaat, kiisalu inuussutissarsiorlut atuarfllu suliniummut peqataanissamut suut patsisigisimane-raat tunngavilersuutigisimaneraallu immikkoortumi tulliuuttumi saqqummiunneqassallutik.

#### Suliniummik aaqqissuussineq

Illoqarfiit suliniummumut peqataasut assigiinngitsunik pingasunik periuseqarlutik aaqqissuussisimapput, tamannalu ataani saqqumersinneqartumi takune-qarsinnaavoq;

Takussutissiaq 2: suliniummik aaqqissuussineq



Nakkutilliisuutit katiterneqarnerat illoqarfimmiit illoqarfimmut assigiinngilaq. Aasianni atuartunut siunnersorti aallaqqaataani nakkutilliisuutitanut peqataavoq, sukkasuumilli inuussutissarsiorlut aqut-sisunngorput, taakku suliffeqarfinnut pulaarnerit ataqaatigiissaartarpaat illoqarfimmi suliffeqarfinnut attaveqarnerit allat isumagisarlugit. Piffissami sivilisulaartumi Aasianni nakkutilliisuutit pingasunik inuttaqarsimapput, ullumikkulli ilaasortat marluinnaal-lutik. Aasianni GrønlandsBanken-imeersoq Niels-Anthon Petersen ima oqarpoq; 'Inuussutissarsiorlut ataqaatigiissaarisuugunik pitsaaneruvoq, uagut nak-kutilliisuutitaniittugut pisut takulluarsinnaaneruvut, suliffeqarfinnut attaveqarlupugut, taamaattumik nukittuvugut.' Aasianni atuartut illoqarfimmi suliffe-qarfinnut attuumassuteqarnerpaasimapput, tassami suliffeqarfinnut amerlasooriaqalutik pulaartarsimap-put.

Sisimiuni nakkutilliisuutitani atuarfik taamatuttaarlu aamma inuussutissarsiorlut ilaasortaataqarsimap-put inuit arfinillit-arfineq marluk ilaasortaasimallutik. Nakkutilliisuutit katiterneqarnerisa allannguuti-tuarisimavaat suliniummik aqutsisup illoqarfimmit aallarsimanera, tamannalu ataatsimiigiaqqusinngit-soortarnernut imaqarniliornernullu sunniuteqarner-lussimavoq. Taamaattumik kommunimi suliniummumut aqutsisussamik avataaneersumik pilersitsinissaq anguniarlugu atuarfimmi suliffeqarfinnillu sulisoqar-poq, Sisimiuni, kiisalu kommunimi illoqarfup aap-paani nunaqarfinnilu pisunik takunnissinnaasumik, ukiumi atuarfusumi 2017/2018-imi suliniummik aallar-nisaasussamik.

Paamiuni atuartut annerit atuaqaatigiinnut akisus-saasutut ilinniartitsisui, suliniummik ataqaatigiissaarisu-simapput pilersaarusiortuusimallutik.

#### Inuussutissarsiorlut kajumissusaat

Aasianni Sømmandshjemmemi ingerlatsisoq suliffimmut pulaarneq nalilerlugu ima allappooq; 'inuusuttut kaju-

milersinniarlugit, ikiorniarlugit siunnersorniarlugillu suliffeqarfiit sulinerat pingaartutut isigaarput, atuartummi tassaaniartussaapput siunissami sulisoriligassat.' Suliniummut toqqaannangikkaluamik peqataaneq suliffeqarfinnut iluaqutaasussaasoq Jens Christian Eldevig allappoq; 'Isumaqarpunga suliniut suliati saniatigut sulinerunermik kinguneqaraluarluni toqqaannangikkaluamik uatsinnut ajunngisaarnerusoq, tassami sulinermi attavigisartakkavut issiaqatigigaangatsigit angusartakkat qujarunnarput, tigussaannikkaluamik ersinngikkaluartunillu tunniusaqarfusaramik, tassami inuiaqatigiinni mikisunnguani iliuutsivut tamarmik takuneqartamata'.

Inuusuttut siunissaannut, inuusuttullu siuariartorerannut inuusutissarsiortut peqataalluarnerat kikkunnut tamanut iluaqutaasutut misiginarpoq. Jens Christian Eldevig nangilluni oqarpoq; 'annikkaluamik tunniusaqaraluarluni tunissutisiaq annertoqaaq – pissutsinik allanngueqataasutut misiginarpoq'. Niels-Anthon Petersen erseqqissaavoq suliniutip siunertaa qimanaveersaartariaqartoq; 'meeqqat eqqarsaatigalugit taamaaliorpugut, taakku siunissaraavut, pissutsinik allanngueqataasinnaagutta taammaliorusuppugut, suliarmi annertugisassaangilaq', nangillunilu oqarluni; 'inuit marlunnguilluunniit atugaannik allannguisinnaagutta, sorujussuamik angusaqartutut misigis-

saagut.'

Rina Reimer Madsen oqaluttuarpoq, suliffeqarfinnut pulaaqattaarsimalluni tunngavilersuisimallunilu sooq suliniummut peqataaneq isumalluutininik atuilluarnernerusoq. Suliaqarnerata inernerisaanik Aasianni suliffeqarfiit tamangajammik suliniummut ilanngussimapput, akulikitsumillu atuaqatigiikkuutaanit pulaarneqartarlutik; 'suliffeqarfinnut tamanut pulaarnerni meeqqat atuarianni atuartut qassit naammassinnitartut, qassit GU-mut ingerlaqqittartut, qassit Majoriamut ingerlaqqittartut qassillu ingerlaqqittanngitsut oqaluttuarinissaat pingaaruteqarpoq. Maanna sunniuteqaqataanissaminnut periarfissaqalernerinik oqaloqatigisarpavut – tapersersoqatigiittariaqpugut, ikioqatigiittariaqarlutalu. Taamaaliornikkut peqataanissaannut kajungilersippavut.' Nammineq inuusutissarsiutillit akuutinnerugaanni suliniut ineriartorteqqinneqarsinnaavoq, taamaallutik atuartut namminneg aallarniissamut kaammattorneqarsinnaapput aammalu atuartut nutaaliornissamut namminerlu aallussilernissamut piginnaaneqalersillugit. Sisimiuneersup Tola Ludvigsen-ip najukkami aallarniissamut atuartut sisamat takusaatissimavai, taassumalu suliffeqarfimmik pilersitsiniarnerni misilittakkani ilisimasanilu taakkununga ingerlateqqissimavai. Sisimiuni Inuusutissarsiornermut Siunnersu-



ASSEQ: POLAROIL, AASIAAT



ASSEQ: KNI A/S, SISIMIUT

isoqatigiit oqaloqatigineranni erserpoq, atuarfinnut pulaarlutik aallarniinarneq nutaaliernerlu pillugit oqaluttuariartornissartik pitsaasutut isigigaa.

Inuiaqatigiinni sumiluunniit aallarniisartut, taakku isumassarsiaat, suliniutinik aallartitsisarnerat piviusunngortitsisarnerallu atorfissaqartinneqarput. Inuiaqatigiinni sumiluunniit aallarniisartut, taakku isumassarsiaat, suliniutinik aallartitsisarnerat piviusunngortitsisarnerallu atorfissaqartinneqarput. Tamanna suliniummut ilanngunneqarsinnaavoq, taamaalilluni aallarniisarneq inuusuttut siunissami periarfissaannut ilaasutut saqqummiunneqarsinnaalluni.

### Atuarfiup kajumissusaa

Suliniutip atuarfinni atorfissaqarnera atuarfiup pi-sortaata Sara J. Brandt-ip tunngavilersorniarlugu sulisimavoq. Sisimiuni Paamiunilu atuarfinni pisunit annertunerungaartumik ilinniartitsisut suliaannut atuartitsinerullu pilersaarusierneranut suliniutip ilaatinneqalernissaa, taassuma sulisutigisimavaa. Timitalerlugu isumagineqarsimavoq atuagarsornik-kut ilikkagassatut anguniakkat suliniummut tullu-arsarneqarnissaat, taavalu kalaallisut atuartitsineq inuiaqatigiillerinerlu suliniummi atorfeqarsinnaasutut qitiutinneqarsimallutik. Inuusutissarsiormerut paasisutissanut tunngatillugu atuartitsissutissat angunia-gaasa ilaannik naammassinniffiusinnaasutut inuiaqa-tigiillu avatangiiserisat pillugit ilisimasaqalernissamut suliniut iluaqutaasinnaavoq.

Ukiumi siullermi suliniuteqarfiusumi suleqataanissamut

nalunaaquttap akunnerinik atugassanik immikkoor-titsisoqarsimavoq, tamannalu suliamut tunniusima-nermut nukittorsaataasimavoq. Ilikkagassatut angu-niakkatik qimerluussavaat, - uagut atuartitsissutit kalallisut inuiaqatigiillerinerlu toqqarsimavavut, taak-ku aqutugalugit inuutissarsiutissamik toqqaanissamut paasisitsiniaanermi anguniakkavut angusinnaallugit atuartullu inuusutissarsiutit pillugit ilisimasaqar-nerulerlutik, taamaaliornikkut inuusutissarsiortunut attaveqarnerulerlutik, aammalu inuusutissarsiortunik avataanit atuartitsisussanik ilinniartitsisut pissarsisin-naalerlutik.'

Atuaqatigiit ilinniartitsisuat Bertha Jensen, Paamiu-neersoq, oqarpoq atuarfiup ingerlatsinerlutik ileqqu-isa eqqarsaatigeqqinnissaanut suliniut periarfissiisoq;


'suliniut pitsaavoq, atuartitsinermi ileqqunik allannguisitsilaarpoq, atuaannarata allaanna-ratalu allanik sammisaqartarpugut, allaanerusu-mik eqqarsarsinnaalluta, taamaalillutik atuartut soqutiginninnerulerput'.

Inuusutissarsiortunik akuutitsinikkut ulloq atuartitsiffik piviusorsiornerulersarpoq, ulloq atuartitsiffik allanngo-rarnerulluni aammalu inuusuttut ilinniagaqarnissamut suliffeqalernissamullu periarfissaat erseqqinneruler-tarlutik.

# Suliniuummi sammisartakkat

Suliniutini pingasusuni sammisat amerlassusaat

Takussutissiaq 3: Suliniuummut atatillugu sammisartakkat



Takussutissiaq 3-mi takuneqarsinnaavoq, illoqarfinni suliniuteqarfiusuni pingasuni ukiup atuarfiusup 2016/2017-ip ingerlanerani atuartup ataatsip sammisamaanut naatsorsuineq. Takussutisiami takuneqarsinnaasutut suliffimmi misiliineq, suliffeqarfinnut pulaarnerit suliffeqarfiillu atuarfinnut pulaarneri illoqarfinni tamani pisimapput. Sammisat taakku aqutigalugit atuartut inuussutissarsiortunut attaveqarsimapput, sammisalli amerlassutsimikkut allanngorarlutik.

Taakku saniatigut Sisimiuni atuarfik ukiut tamaasa suliffinnik nittarsaassisarpoq, Aasiannilu atuarfik ukiut tamaasa juullikkunni arsamik ajugaaniuutitsisarlu. Ataatsimut isigalugit Sisimiunut Paamiunullu naleqqiulluni Aasiaat suliniuummut atatillugu sammisaqarnerisaavoq, tamatumunnga patsisaallutik suliffinnut pulaarnerpassuit.

Atuartut inuussutissarsiortullu akornanni attaveqarnermik pilersitsinissaq suliniuummi siunertaavoq, taasumali saniatigut aamma inuussutissarsiorneq pillugu ilinniartitsisut nutaanik ilisimasaqalersimapput, atuarfitsinerannut sunniuteqartumik. Aamma suliniuummut atatillugu sammisartakkat toqqaannangikkaluamik angajoqqaanik sunniisimassapput, tassami atuartut suliffeqarfinnut assigiinngitsunut pulaartarnitik angerlaraangamik qularnanngitsumik angajoqqaaminnut oqaluttuarisarsimassavaat.

# Inerniliineq

Atuarfiit suliffeqarfillu suleqatigiinnerat suliniummik kivitseqataalluinnarpoq. Atuarfiit suliffeqarfillu sinner-saasa oqaloqatigiittarnerat suliniutip ingerlanerani pitsanngorujussuarsimavoq, taamaalluni inuussutisarsiuutinut piareersarnerup atuartut annerit atuar-tinneqarnerinut ilaatinnessaa pitsanngorsarneqan-gaatsiarsimalluni.

Atuarfiit suliffeqarfillu suleqatigiinnerat atuartuuner-miit sulilernissamut ataqatigiissutitut inississimavoq, taamaallutik suliffeqarfimmi ulluinnarni inuuneq suliassallu suuneri pivusorsiortumik atuartut takorloor-sinnaalersimavaat. Atuarfiup, atuartut, suliffeqarfillu pitsaasumik oqaloqatigiittarnerat kisimi suliniummit qulakkeerneqarsimanngilaq, aammali atuartut ilinnialigassaminnik toqqaaniarneranni atuartut angajoqqaavi peqataatinneqarnerulersimallutik, pingaartumik angajoqqaat ataatsimiinnerini suliffe-qarfinnit peqataaffigineqartuni.

Inerniliunneqarsinnaavoq atuartut sukumiisumik tun-gaveqarlutik ilinniakkamik toqqaanissaminnik peri-arfissaqarnerulersimasut, tassami inuussutisarsiuutit ili-simasaqarfiginerulersimavaat aammalu namminneq kissaatitik siunissamullu sinnattutik ilisimaarineruler-simallugit. Ilutigisaanik pissutsinut paasinneriaaseq ataatsimoorusaaq oqaasertalersorneqarsimavoq, atuartut ilinniagaqarnermut isumaannik suliffeqar-nerlu pillugu paasinnittaasiannik sunniisimasumik. Suliniulli atuartut akornanni toqqaannartumik ataat-simoorussamik paasinnittaaseqartitsilersimanersoq matumani ersersinneqanngilaq. Takusinnaavarpulli suliffeqassagaanni suut piumasaqaataanersut, aam-malu suliffeqarfimmi sulisunut suut piumasaqaataaner-sut, atuartut paasisaqarfigisimagaat.

Inuiaqatigiit atuartut avatangiisii atuartut atuarne-ranni ukioq kingullermi annertuumik annikitsumilluun-niit atuarnermut ilaatinneqartarpoq, taamaalluni atuarneq inuiaqatigiillu imminnut ataqatigiissinne-qartarlutik. Sulinermi pissutsit pivusut atuartut ilisi-masaqarfilerpaat, aammalu sulisuulluni inuuneq, sulinermi atugassarititaasut, suliffeqarnerup inger-lasarnera suliffeqalernissamullu suut ilinniarneqar-sinnaanersut pissutsinik pivusunik tunngaveqarlutik naleqqersuussinnaalerpaat, tamannalu inuusuttut ilinnialernissaannut sulilernissaannullu alloriamertut pingaarutilittut oqaatigineqarsinnaavoq.

**Suliniutip ingerlateqqinnissaani eqqumaffiginiagassat** Siunissami suliniut pigiliunneqassappat illoqarfimmi suli-niarfiusuni tamani suliniummut aqutsisumik toqqa-nissaat pisariaqarpoq, suliniummi pilersaarutininik suli-niummut peqataasut attassiinnarnissaat, aammalu suliniutip ingerlaavarnissaa qulakkeerniarlugit. Aam-ma pingaarluinnarpoq suliniutip sammisassanut/ ukiumut pilersaarutininut ilanngunnissaa, ilikkagassatut anguniakkanik ikorfartorneqarnissaa aammalu a-taatsimoorussamik pilersaarusiornermut taamaattus-saannartut isigalugu ilaatilernissaa. Pilersaarusiorneq taanna ukiup aallartinnerani, ukiumut pilersaarutiit inissititernerini, pissassaaq.

Suliniummik aaqqissuulluakkamik ingerlatsineq aaqqissuussaanerlu pisariaqarput, soorlu iliuusissanut aalajangersimasunik pilersaarusiornikkut aammalu ukioq kaajallallugu suliniummi peqataanerup sunik nassataqarnera allattoqqissaarlugu. Paasissutissanik paasiuminartunik peqarnissaa kiisalu suliffimmi misilii-nermut atafillugu ilitsersuut, qanoq pitsaanerpaamik suliffimmi misiliinerup ingerlasinnaanerani imalik, tassaapput suliffimmi misiliinermik malunnaatilimmik pitsanngorsaataasinnaasut aammalu suliffeqarfiit minnerit amerlanerit peqataanissaanik qulakkeerin-nittut.

Illoqarfimmi suliniarfiusuni pingasuni suliniutip aaqqis-suussaanera assigiinngilaq, taamaattumik inerni-liunneqarsinnaavoq suliniut iluatsissappat atuarfiit taamatuttaarlu aamma inuussutisarsiuortut nakkutil-liisuutitani peqataasariaqartut. Atuarfiup tungaanit pingaartuuvoq atuarfiup pisortaata, atuartunik siun-nersortip atuaqatigiillu peqataasut ilinniarfisisuata nakkutilliititani peqataanissaat.

Suliniummi takutinneqarpoq suut suliniummut pe-qataanissamut inuussutisarsiuortunut atuarfinnullu kajumilersitsisarnersut. Pingaartumik inuiaqatigiinni unammilligassat aaqqinniarneranni tapersersoqati-giinnermik kiisalu atuartitsinermi nutaamik eqqarsa-lernissamut aammalu ullup atuarfiusup assigiinngisi-taartinnissaanik pivusorsiortumillu atuartitsinissamut periarfissinneqarlutik, akuusut misiginissaat.

Illoqarfiit pingasut suliniarfiusut tamarmik suliffeqarf-inut pulaarnerit, suliffimmi misiliinerit kiisalu suliffeqarfiit atuarfinnut pulaarneri ingerlassimavaat. Taakku sani-





ASSEQ: KNI A/S, SISIMIUT


atigut Sisimiut suliffinnik nittarsaassisimavoq, Aasianilu juallikkunni arsamik ajugaanniutsitsisoqarsimalluni. Atuartup ataatsip sammisimasaasa amerlassusii isigigutsigit Aasiaat sapinngisamik amerlanerpaanut attaveqarsimavoq, tassami atuartut inuussutissarsior-tunik naapitsisarsimammata. Suliniut Sisimiuni Aasianilu aallartinneqarluarsimavoq, nalilerneqarporlu suliniut atuarfinni amerlanerni ingerlaqqilluarsinnaasoq atuarfinnullu amerlanernut siaruarneqarsinnaaalluar-luni. Suliniut Paamiuni pigiliunneqavissimangilaq, tassami atuarfimmeersunik taamatuttaarlu aamma inuussutissarsior-tuneersunik nakutillisuutini peqata-asoqanngimmat, taavalu aamma pisortatigoortumik aaqjissuussamillu suliffeqarfiit atuarfullu suleqatigiin-nerat pilersinneqarsimanani. Atuaqatigiit ilinniartitsisui siuttuusimapput inuussutissarsior-tullu ikorfartuilluarne-risigut sammisanik arlalinnik ingerlataqartoqarsimal-luni.

Suliniutip sunniutaa pitsak siumut takorloorneqarsi-manngitsoq tassaaavoq, Aasianni inuussutissarsior-tut misigisimammassuk meeqqat atuarfianni atuartut pinerlunniartarnerisa ikellerrujussuarsimaneri. Tama-tumunnga peqqutaasutut ilimagineqarpoq atuartut inuussutissarsior-tullu imminnut attaveqarnerulersima-nerat, tamatumalu kingunerisaanik inuttut attaveqa-tigiinnerup nukittorsarneqarsimanagera.

Atuarfiit suliniummut peqataasut tamarmik siuller-meerlutik peqataapput – tamannalu inuussutissarsi-ortunik suleqateqarnerulernissamut alloriarnerulluni

siulleq. Suleqatigiinnerup tamatuma aallartinnerna-nut suliniut iluaqutaasimavoq aammalu Paamiuni, Sisimiuni Aasiannilu atuartunut, ilinniartitsisunut, angajoqqaanut, suliffeqarfinnut inuiaqatigiinnullu iluaqutaasimalluni.





WE SUPPORT